



# IROMAG

*Odlazni studenti*



by IROUNMO

U OVOM BROJU

**BRUCOŠKA VEČER**

**TRAG OMLADINSKOG  
AKTIVIZMA**

**USRETI MLADIH  
ISTRAŽIVAČA BOSNE I  
HERCEGOVINE**

**NAUČNI SKUP**

**DEKLARACIJA**

**DEBATA**

Stari most u Mostaru preko rijeke Neretve je UNESCO-ova svjetska baština koji je, kada je izgrađen, bio je najveća lučna konstrukcija na svijetu. Dao ga je sagraditi 1566. godine Sulejman Veličanstveni. Srušen je 9. studenog 1993. godine, a sam trenutak rušenja snimile su televizijske kamere. U trenutku rušenja star 427 godina, most je djelo osmanlijskog arhitekta Mimara Hajrudina.

Njegovo rušenje često se spominje u kontestu potpunog poraza civilizacije tokom rata u Bosni i Hercegovini koji je trajao od 1992. do 1995. godine. Stari most, visok 24 metra u najvišem dijelu, obnovljen je i otvoren u julu 2004. godine, a 2005. godine uvršten je na listu UNESCO-ovih zaštićenih spomenika kulture.

# BRUCOŠKA VEČER

By IROUNMO

U organizaciji Univerziteta "Džemal Bijedić" u Mostaru, a uz pomoć i podršku Unije studenata Univerziteta "Džemal Bijedić" u Mostaru kao i uz pomoć prijateljske kompanije i sponzora - BH TELECOM, za sve brucoše i nove studente Univerziteta upriličena je nezaboravna **BRUCOŠKA VEČER!**

U prepunoj sali Megamarkta studentima se obratio predsjednik Unije studenata Kenan Begović, nakon čega su brucoši uz večeru i druženje imali priliku da se međusobno bolje i kvalitetnije upoznaju, dok je za zabavu i sjajnu atmosferu zaslužan bend "KO SU OVI".





# TRAG OMLADINSKOG AKTIVIZMA

By IROUNMO

Projekat "Trag omladinskog aktivizma" bazira se na temelju mapiranja potreba mladih HNK urađenoj od strane predstavnika Vijeća mladih Grada Mostara i Udruženja za edukaciju i razvoj "Dignitet" kao i praćenja određenih istraživanja urađenih od strane domaćih i međunarodnih organizacija.

Projektom se želi poboljšati položaj mladih i dati doprinos jačanju njihovih vještina i kompetencija ključnih za što uspješnije integrisanje u društvenu zajednicu i proaktivno društveno djelovanje. Unapređenjem psihosocijalnih kompetencija, kao i interaktivnog prenosa stečenog znanja doprinjeti će se razvijanju životnih vještina "life skills" (obrazovanja o životnim vještinama).



UDRUŽENJE "DIGNITET" U SARADNJI SA UNIJOM  
STUDENATA UNIVERZITETA "DŽEMAL BIJEĐIĆ" POZIVA  
STUDENTE NA RADIONICU U SKLOPU PROJEKTA:

## TRAG OMLADINSKOG AKTIVIZMA

**PROSTORIJE UNIJA STUDENATA**  
UNIVERZITETA "DŽEMAL BIJEĐIĆ" MOSTAR USRC MIHAT HUJUR HUJKA BB

**16. 11. 2023. GODINE.**

**12:00 SATI.**

**PRIJAVE ZA UČEŠĆE SLATI NA E-MAIL: UNIJA@UNMO.BA**  
ILI PUTEM SOCIJALNIH MREŽA UNIJE STUDENATA



UDRUŽENJE ZA EDUKACIJU I RAZVOJ  
"DIGNITET"



www.dignitet.ba

info@dignitet.ba



Cemalova 14, 88 000 Mostar  
Trg Ivana Krndelja bb, 88 000 Mostar



**BOSNA I HERCEGOVINA**  
Federacija Bosne i Hercegovine  
Federalno ministarstvo kulture i sporta  
Federalno ministarstvo kulture i sporta  
Федерално министарство културе и спорта  
Federal Ministry of Culture and Sports

Usavršavanjem soft skills vještina mladi imaju priliku da postanu pokretači promjena u svojoj zajednici. Mladima će se ovim projektom pružiti prilika da upotpune svoje komunikacijske sposobnosti, sposobnosti kritičkog razmišljanja i asertivnosti što dovodi do veće otpornosti na neželjeno ponašanje, kako u stvarnom, tako i u virtuelnom prostoru, potiče proaktivno i društveno produktivno djelovanje.

# USRETI MLADIH ISTRAŽIVAČA BOSNE I HERCEGOVINE

By IROUNMO

Susreti mladih istraživača Bosne i Hercegovine iz oblasti prirodnih, tehničkih i matematičkih nauka (STEM) održani su 3. i 4. novembra 2023. godine u organizaciji Odjeljenja tehničkih nauka Akademije nauka i umjetnosti Bosne i Hercegovine i u saradnji s Federalnim ministarstvom obrazovanja i nauke.

Faris Trešnjo (Građevinski fakultet Univerziteta „Džemal Bijedić“ u Mostaru) osvojio je treću nagradu za najbolju prezentaciju istraživanja.

Jedan od glavnih ciljeva ovog skupa bio je uspostavljanje kontakata s mladim istraživačima porijeklom iz Bosne i Hercegovine koji djeluju u STEM oblastima na univerzitetima i istraživačkim institucijama u svijetu.

Skup je prvenstveno bio namijenjen studentima doktorskih studija u STEM oblastima i mladim istraživačima koji su doktorirali u posljednjih pet godina, ali i svim zainteresiranim istraživačima, članovima akademske i naučne zajednice u Bosni i Hercegovini te predstavnicima bh. privrede.



# NAUČNI SKUP "KULTURNA BAŠTINA HERCEGOVINE IZMEĐU PAMĆENJA I ZABORAVA"

By IROUNMO

Povodom tridesete godišnjice rušenja Starog mosta (1993-2023) Fakultet humanističkih nauka Univerziteta „Džemal Bijedić“ u Mostaru organizirao je naučni skup pod naslovom “Kulturna baština Hercegovine između pamćenja i zaborava”.

Iste večeri, s početkom u 19 sati, u Centru za kulturu Mostar bila je postavljena izložba fotografija na temu urbicida u razdoblju od 1992. do 1995. godine, u suorganizaciji Fakulteta humanističkih nauka i Mostar Memorial & Museum.

Naučni skup je održan u četvrtak, 16. novembra, na Fakultetu humanističkih nauka Univerziteta „Džemal Bijedić“ u Mostaru s početkom u 9.30 sati.

U fokusu skupa je bila destrukcija kulturne baštine na području Hercegovine, s posebnim akcentom na razdoblje od 1992. do 1995. godine.

Kao društveni i kulturalni fenomen, pamćenje ne rekonstruira samo prošlost i načine na koje se društvo odnosi prema prošlim događajima, već organizira i iskustvo sadašnjosti i budućnosti. Time se proučavanje urbicida i kulturocida/heritocida iz različitih naučnih perspektiva (historiografske, antropološke, arhitektonske, književnoteorijske i književnohistorijske, etnološke i drugih) pokazuje kao moralni imperativ i zalog u izgradnji zdravijeg, zrelijeg i humanijeg društva.





# DELEGACIJA NOVOIZABRANIH MINISTARA I PREDSJEDNIKA SKUPŠTINE HNK U POSJETI UNIVERZITETU

By IROUNMO

Rektorica Univerziteta „Džemal Bijedić“ u Mostaru prof. dr. Alena Huseinbegović zajedno sa menadžmentom i predsjednikom Upravnog odbora prof. dr. Adisom Zilićem ugostila je u prostorijama Univerziteta predsjedavajućeg Skupštine Hercegovačko – neretvanskog kantona i delegaciju novoizabranih ministara u Vladi Hercegovačko – neretvanskog kantona. Delegaciju su činili: Džafer Alić, predsjedavajući Skupštine HNK; prof. dr. Adnan Velagić, ministar obrazovanja, nauke, kulture i sporta HNK; Adil Šuta, ministar finansija HNK; Bekir Isaković, ministar građenja i prostornog uređenja HNK; prof. dr. Zanin Vejzović, ministar privrede HNK; dr. sc. Goran Karanović, ministar pravosuđa, uprave i lokalne samouprave HNK; te Emil Balavac, ministar trgovine, turizma i zaštite okoliša HNK.

Tok sastanka označio je početak nove faze saradnje između akademske zajednice i predstavnika vlasti u Hercegovačko-neretvanskom kantonu.

Menadžment Univerziteta „Džemal Bijedić“ u Mostaru uputio je srdačnu čestitku novim ministrima na izboru, ističući uvjerenje da će njihova posvećenost i iskustvo doprinijeti unapređenju saradnje, a samim tim i obrazovnog procesa u Hercegovačko – neretvanskom kantonu. Predstavnicima Univerziteta su istakli spremnost na konstruktivnu saradnju u narednom periodu, te su poželjeli novim ministrima uspješan i produktivan rad tokom mandata.

Sastanak je zaključen obostranim izrazima optimizma i spremnosti za zajedničko djelovanje. Dogovoreno je da će zajednička implementacija aktivnosti i projekata započeti već u skorijem vremenskom periodu, čime će se ojačati veze između Univerziteta „Džemal Bijedić“ u Mostaru i resornih ministarstava u Vladi Hercegovačko – neretvanskog kantona.



# DEBATA - BIH TREBA IMATI TEKST HIMNE

By IROUNMO

Bosna i Hercegovina treba imati tekst himne poruka je sa današnje debate na istoimenu temu koja je upriličena u organizaciji Pravnog fakulteta i Unije studenata Univerziteta „Džemal Bijedić“ u Mostaru kao centralni događaj na Univerzitetu povodom obilježavanja Dana državnosti Bosne i Hercegovine.

Debatu je otvorila rektorica Univerziteta „Džemal Bijedić“ u Mostaru prof. dr. Alena Huseinbegović. U okviru obraćanja čestitala je svim prisutnim Dan državnosti, uz poruku da Bosna i Hercegovina zaslužuje tekst državne himne koji će osjetiti i prihvatiti svi građani naše domovine.



Prije početka debate, prisutnim su se obratili i čestitali Dan državnosti dekanesa Pravnog fakulteta Univerziteta „Džemal Bijedić“ u Mostaru prof. dr. Amra Jašarbegović, te predsjednik Unije studenata Univerziteta „Džemal Bijedić“ u Mostaru Kenan Begović.

Uz suočavanje stavova, vrhovnih kriterijuma i argumenata, apsolutnu pobjedu je odnijela afirmacijska ekipa studenata koja je zastupala ideju da Bosna i Hercegovina treba imati tekst državne himne.



Događaj je zatvorio ministar obrazovanja, nauke, kulture i sporta Hercegovačko – neretvanskog kantona prof. dr. Adnan Velagić. Uz čestitku Dana državnosti Bosne i Hercegovine, čestitao je i pobjedničkoj ekipi današnje debate, nakon čega je podsjetio na historijske činjenice vezane za kontinuitet postojanja državnosti Bosne i Hercegovine.

Univerzitet „Džemal Bijedić“ u Mostaru svim građankama i građanima Bosne i Hercegovine upućuje čestitku povodom Dana državnosti Bosne i Hercegovine.

# IROMAG



/iro.unmo



@iro.unmo



/iro.unmo

**IROMAG TEAM**  
MIRSADA BEHRAM  
LEJLA ŠKALJIĆ  
LEJLA REPEŠA  
HUSEIN MARIĆ

